

渭南文集卷第十

綫裝書局

山陰陸游

表

天申節賀表

任繼愈署簽



宋集珍本叢刊

第九十五冊

四川大學古籍整理研究所 編

儒藏系列

宋集珍本叢刊

第九十五冊

任繼愈署簽



綫裝書局

中國·北京二〇〇四年

第九十五冊目錄

聖宋名賢五百家播芳大全文粹（續）

魏齊賢、葉棻……………

聖宋名賢五百家播芳大全文粹卷第一上

表

皇帝表牋

皇帝詣 重華宮請上 尊號表

皇帝臣上表臣言謹帥羣臣詣 重華宮恭請上 皇帝尊號者伏以聖人得道之真不可形容之妙臣子尊親之至欲少伸歸報之誠輒願衆言仰千崇聽臣等謹以洪荒之代尚存曆數之名揖遜之朝猶著敷華之號雖曰事殊而世遠亦皆實副之美彰期在表具存景鏐恭惟皇帝陛下以英睿之斷整齊乾坤以慈愛之心涵養夷夏

聖宋名賢五百家播芳大全文粹

卷一上

一

宋集珍本叢刊

積憂勤於九國恢統緒於十朝重熙累洽之功掩漢唐而不論高世絕俗之行有曹閔之所難方將卑商宗三祀之宅憂遽乃奉長樂萬年之至養適遙塵垢之外與造物將止息混元之宮爲天下父顧慙眇質嗣守丕圖戴天造而益深懼鴻徽之未聞考之經則壽實先於五福質之傳則聖首冠於羣倫參往哲之格言合有生之公願恭上 尊號曰 至尊壽皇聖帝雖持螯把管莫覩測於毫分而鑒玉泥金莫鋪張於萬一伏望曲垂睿照亟發俞旨上以侈宗社無疆之休下以遂臣民歸尊之志謹奉 表陳請以聞

皇帝詣 重華宮再請上 尊號表

臣言今月六日帥羣臣上表恭請上 尊號曰 至尊壽

皇聖帝伏奉答詔未賜俞允者伏以比輪微個請勒鴻名天聽甚高尚闕於從之旨物情既鬱不勝懇切之私理有未安義當再請臣等謹以尊之至者號宜稱道之備者美自彰通觀古初載在圖謀曷嘗不揚景鏐以崇威德備顯罔以昭殊休酌歷代之成規考本朝之大典驗休祥於天意察愛戴於人心通避合辭幽顯同願恭惟 皇帝陛下誠贊化育孝通神明欲畢素冠力行於通制釋去重負專心於事親使千載因陋之習遂洗於一朝而匹夫罕能

聖宋名賢五百家播芳大全文粹

卷一上

二

宋集珍本叢刊

之行乃見於萬乘舉此大節已冠百王而况化極範圍仁漸動植武功底于保定文治洽于綏懷夫必得其壽則陛下宜享其休不居其聖而 陛下則有其實合此二美稽于衆言強施繪畫之功曷模臨照長持淺近之見寧測高深豈謂 陛下退托愈聖執謙果損切窺訓告尚靳允俞愛兢失圖踴躍無措伏望沛然改慮監此丹衷惟臣子微誠得少施於毫末則國家盛事可誇耀於簡編存此控陳期於得請謹再奉 表陳請以聞

皇帝詣 重華宮三請上 尊號表

臣言今月七日帥羣臣再上表恭請上 尊號曰 至尊

壽皇聖帝伏奉恭詰未賜俞允者祇率舊章請崇丕號存
蒙慈訓未諒愚誠辭已迫而復陳聽愈高而難動觀天使
切踴地靡寧臣中對聞事責適中名欲當實得其中則事
可久是以聖人不肯違有其實而名自彰是以聖人不苟
避恭惟 皇帝陛下豐功偉業卓冠古今睿斷神謀開闢
宇宙欲承頤長樂之養遂脫屣萬乘之高壽以見臣子區
區善頌之情聖祖皇帝王蕩蕩難名之道順 陛下之謙
德初無侈大之辭酌本朝之成規又非創業之事豈謂
陛下過為挹損深自退藏守獨善而弗衆心崇小遜而遺
大体制度倘失之簡何以昭神功名號不到其尊何以示

聖宋名賢五百家播芳大全文粹

卷一上

三

宋集珍
本叢刊

天下使臣忠誠莫遂孝治有虧負愧懷慚廢寢忘食伏望
上觀天意下察人心遠稽前王近法文祖亟順溫詔毋守
牢辭則典禮順從侈宏休於戴藉神民傾悅贊寶笑於萬
年謹三奉表陳請以聞

皇帝請上 壽成皇后 尊號狀

臣言謹叩群臣詣 重華宮恭請上 皇后尊號者伏以
坤配乾而曰至乃成履載之功月週日以爲明遂廣照臨
之德况等專於聖父宜並崇於顯名酌古成規爲今鉅典
臣中再恭惟 聖后殿下性躬仁儉道合靜專當昇嗣克
之初著虞嬪之懿行以婦承姑之盛也攀仲之徽音宣陰

教於六宮正表儀於萬國付託之重雖祇稟於睿謨擁抱
之恩實助成於神斷顧惟菲質獲奉慈顏像無歸美之辭
曷侈事親之孝壽祺方永有光五福之壽成德既彰高掩
二南之化龜英協吉中外合謀恭請上 尊號曰 壽成
皇后伏望俯諒忱辭並順俞旨順歡心於四表享榮奉於
萬年編之詩書豈爲盛事在於臣子不勝下情謹奉狀陳
請以聞

皇帝再請上 壽成皇后 尊號狀

聖宋名賢五百家播芳大全文粹

卷一上

四

宋集珍
本叢刊

常尊事父當均於事母方鴻徽之再衍乃挹損而弗居謹
竭丹誠存于崇聽臣中再恭惟 皇后殿下道隆坤載行
冠闕儀輔佐 壽皇修明內治以孝奉承於長樂曲盡愉
怡以恩順優於眇躬助成選揖名號欲伸於歸美形容未
及於毫分豈謂 殿下早以自持卻而不受使人子尊親
之意可抑遏而弗伸則國家曠代之儀將因循而莫舉伏
望勉從愚請俯慰衆心言順事成丕顯一朝之盛天長地
久永延萬世之休謹再奉狀陳請以聞

皇帝三請上 壽成皇后 尊號狀

臣言今月七日帥群臣再上狀恭請上 尊號曰 壽成

皇后未蒙俞允者伏以存陳封奏請勅鴻名愚誠雖切於
懇祈慈聽未聞於動寤徊徨無措進退莫安臣中謝良聞
有德必有名乃古今之通誼事母猶事父宜臣子之異情
恭惟 皇后殿下廓仁愛恭儉之心體靜專柔順之道上
之承事長樂極其孝下之保佑眇躬盡其內思之輔助
奇皇見於夙夜之警戒外之風化天下著於朝夕之憂勤
景鑠鴻徽流風懿行雖彈華古莫罄形容徒以繼承之始
初欲伸綿報之萬一因已行之盛典固非創為寓善頌之
忱辭初無溢美而 殿下執謙果苦固拒弗俞襲中宮之
舊號則何以表慈聞之尊拒衆心之屢請則無以慰人子
聖宋名賢五百家播芳大全文粹 卷一上 五 宋集珍
本叢刊

賀表

登極

賀 皇帝登極表

許開仲啓

壽皇發號自託倦勤睿主膺圖茲誠善繼事尤今古慶滋
華夷中賀恭惟 皇帝陛下仁孝稟乎天資忠厚循乎家
法表符潛震仰元良者二十年運偶重雖無剛柔之六三
德漢承克而傳歸于子舜授禹而允執厥中別殿問安永

具威儀於風華靈臺偃仰必加正朔於龍庭日遊奉教修
阻規班荆一進而聖相受仍際太平舊邦而命惟新請肩
大雅

賀 皇帝登極表

晁之道

祇紹天明欽承聖統神祇宗社永有依歸草木昆蟲咸知
愛戴恭惟 皇帝陛下德光慈儉道格聖人淵默雷聲有
作而萬物觀天履地載不言而四時行帝七聖之重熙荷
三靈之孚佑惟新大命風四海以承休克紹永圖冠百王
而立極臣遠使川陝不獲躬詣闕廷隨班稱慶

賀 皇帝登極表

趙德源

聖宋名賢五百家播芳大全文粹

卷一上

六 宋集珍
本叢刊

天心乃眷集丕命以無疆大德延洪廓大明而繼照神靈
底據夷夏謳歌恭惟 皇帝陛下淵懿在躬緝熙既聖龍
安日表豐真人之自然海潤星輝流率土之陰陽仰體倦
勤之訓赫臨傳序之光中國之有至仁無思不服王者之
大一統咸與維新肆牧作解之恩普慰衆推之望臣遠將
德意獲際休明遐想風雲莫造攀麟之列尚彈塵露少綴
扶杖之氓

賀 皇帝登極表

汪亦章

天啓昌期御華國而出震人瞻粹表貞黼黻以當陽既三
靈宗稱之有歸將為世人民之永賴中負竊考帝王之受

命殆將今古以同符必國步艱難始天地出非常之主及
治功宏濟乃子孫承周極之休恭惟 皇帝陛下勇智自
天英明冠百躬返朴還淳之儉奮興衰撥亂之剛方率土
之謳吟共思劉氏宜吳之曆數專在舜躬 邑之壇
俯應大橫之兆取災精用事之月即 藝祖興王之邦有
三千同德之臣共扶鴻業用七百卜年之數重立丕基方
圖政事之修獨運神明之斷豈止兩河之復即觀二聖之
還臣等幸備周行復逢嘉會接千歲之統交侵行殄於四
夷感九賓之儀卑舞但同於百獸

賀 皇帝登極表

曹文蕭

聖宋名賢五百家播芳大全文粹

卷一上

七

宋集珍
本叢刊

臣某言伏奉月日敕書恭承 皇帝陛下祗膺先志紹復
慶基凡在履臨舉深欣忭中負伏以 皇帝陛下睿智天
縱聰明日躋迪靈源之休祥抱上聖之仁孝昊穹眷命主
祀奄以承祧正統傳膺 大帝華而協德離重明而繼照
乾六龍以御天七政光華三靈泰定辟盡脩于克道武能
廣于文聲宅后膺符協謳歌之所載守成保極與天地以
無窮

賀 皇帝登極表

王禹偁

臣某言伏奉四月一日敕書 皇帝陛下虔膺額命嗣守
鴻圖人神有依華夏同慶伏惟 陛下奉先思孝克已歸

仁承列聖之貽謀作兆民之司牧重輪繼大明之照光被
遐陬少海升百谷之王澤流品彙肆赦渙汙萬邦底寧臣
運事先朝嘗叨內署忝逢聖日攬守外藩不獲蹈舞王階
無任忭躍屏營之至

賀 皇帝登極表

臣某言伏觀敕書 皇帝陛下今月五日登寶位者郊廟
神靈永有宗依華夏靈爽永有歸賴中賀恭惟 皇帝陛
下光御歷服大永統緒以聖繼聖純祐無疆臣遭遇 先
朝久叨榮祿不獲奔走瞻望清光無任懼忭忭蹈激切之
至

聖宋名賢五百家播芳大全文粹

卷一上

八

宋集珍
本叢刊

賀 皇帝登極表

臣某言伏奉三月五日詔書恭承 皇帝陛下虔奉寶圖
踐登宸極震雷一發聲赫四方大明繼升光被萬國生靈
鼓舞動植昭蘇凡在撫臨無不欣載中賀臣聞盛德之後
世有天下有道之國萬生聖人恭惟 陛下席六帝之法
休對三靈之丕眷仁孝純乎天至聰明茂於日躋收蕞之
間已能動悟先帝號令之始足以慰悅衆心社稷有所憑
依神祇以之安樂皇天右序復開命武之符罕土祗驪行
見紹克之化臣限拘守阻造闕庭無任忭躍踴躍之至

賀 皇帝登極表

趙德莊

乾坤助順將臻六合之同神聖膺湖適契千齡之會民風
閭閻呈緯清華恭惟 皇帝陛下精粹自天英明不世時
行山立率增九鼎之崇淵嘿雷聲昭協六龍之序摠朕師
而有命家天下以非私述者謂明孝方申於養志建其有
極福自應於至平臣假守外藩欣聞殊慶霑雷雨之作解
已荷龐鴻想日月之未光所嗟是春

賀 皇帝登極表

邵公濟

欽承慈訓繼御皇圖事絕古今履均中外中興恭惟 陛
下天寶恭儉日就聖神正位青宮仁孝已聞於四海升尊
黃屋功業宜冠乎百王已求當代之直言將復本朝之故

聖宋名賢五百家播芳大全文粹

卷一上

九

宋集珍
本叢刊

事無知之虜日應初順有志之士益望太平臣遠喻蜀民
謬持漢節與萬物而共觀嘆千載之親逢喜頌充戴舜之
同時念報國忘家之有日

賀 皇帝登極表

李成孚

龍德時升紹一王之休運天恩下霽鼓萬國之歡心凡在
蓋客一歸撫御中興竊以可託天下必允屬於其人克享
帝心實有懷於明德恭惟 皇帝陛下聰明齊聖聖賢數在
躬孝悌感於人神言行動乎天地奉兩宮而無間就外傳
而弗煩道學生知德心日邁宜先王之眷命付大器以受
民二聖嗣興並隆乎世祚一道相授蓋萬於天倫謳歌朝

觀之有歸禮樂政刑之具在享七世崇高之業應萬年熙
洽之期繼體元豐均是吾君之子承華紹聖載安百姓之
心永孚四海之休戚賴一人之慶臣限拘官守阻造闕庭

賀 皇帝登極表

晁元各

欽承顧命嗣履寶圖謳歌有歸華夏均慶中興恭惟 皇
帝陛下挺生聖德夙有仁心問設彰純孝之誠主也著克
恭之美大明體照至健體元邦之榮懷人所歸往不顯亦
世是聞上帝之符無疆惟休咸曰吾君之子天地日月所
然太清山川鬼神罔不順序鴻基滋固景命方綿凡在群
倫舉知慶蹈臣等恪居外鄙親觀重熙

聖宋名賢五百家播芳大全文粹

卷一上

十

宋集珍
本叢刊

賀 皇帝登極表

馮當可

大寶正位重離繼明廓天下以光昭理敷華而授受慶流
海宇恩浹華夷中興良聞大業不難一時之成而難萬世
之傳天子不貴一己之尊而貴萬方之託至圖再造上聖
萬生人望所歸天意有在恭惟 今上皇帝智勇天錫誠
明生知以帝王之英資躬曾閔之至行方真龍之潛養緊
神器以奠安歷數在躬應靈圖而受瑞冕旒御極傳正統
以當陽初更始於萬方將一新於庶政舉九恭揖遜之美
富山殘暴逆之餘覩見雲消風行草偃大號初頒於吳蜀
元聲已播於幽燕一日歸仁千載難遇且方原郡職莫緼

朝端徒望間以傾軋阻趨庭而抃舞

賀 皇帝登極表

孫仲益

御六龍而乘乾君臨大寶歛五福而作解慶決宸區邦命
惟新天心底據中夏恭惟、皇帝陛下重華協帝下武繼
文上漢靈而三辭為天王當楚璧而五拜作神主謳歌攸
屬歷數自歸紹皇策於十餘嗣無疆之服撫帝圖於四大
包有載之區顧疲駕弗泊於駿奔而率舞自同於爵躍戴
笠而望天表雖莫覓十日竝照之光扶杖而聽詔耆猶能
登萬歲三呼之祝

遜位

聖宋名賢五百家播芳大全文粹

卷一上

十一

宋集珍
本叢刊

賀 光堯皇帝遜位表

趙德莊

元聖憲天誕保成功之運重離垂象灼知大器之安慶決
宸區事尤載藉恭惟 太上皇帝陛下賔恭享帝勤儉興
邦修文於神武戡難之餘推仁於聖孝事親之日五帝其
臣不及久服於頌機三王有道之長用閑於永世抵龜而
斷脫屣如忘游於物初御化元之六氣養以天下聞奇域
之萬年臣久侍清閑最蒙簡照望雲伊阻益馳魏闕之心
替輦欲前莫厠空响之御

賀 光堯皇帝遜位表

馮當可

為天下得人審謀素定與萬方更始皇統親傳意令祖宗

運同堯舜中夏恭惟 太上皇帝英明獨運慈儉躬行勵
精三紀之餘恭已萬民之上啓昌運於中興之日朝諸侯
於復會之時已安神器於履孟真視天下如弊屣委無倫
之富貴與造物遊處太上之崇高為天子父成功不有道
大難名臣謬領州麾欣承詔旨考百王而未見歎美斯勤
祝萬壽之無疆傾輸至切

賀 光堯皇帝遜位表

孫仲益

聖謨獨運史大策於一言神器有歸垂鴻名於千載高視
百王之表永臻萬壽之期中夏恭惟 太上皇帝陛下無
清淨無為之宗守慈儉不爭之寶希夷體道淵默凝神冠
帝號之尊為 太上皇極人倫之貴為天子父奉卮前殿
問寢南樓訪壑响而得聖人清景新豐而享天下養且退
安臥臥莫豫島趨進望闕庭惟澤燕賀大興孝治方躬曾
閔之難坐格恭寧復瞻羲農之盛

賀 光堯皇帝遜位表

趙德莊

撥亂興工勞法官之親事成功與于履天下之得人詔語
聳聞群情感動恭惟 太上皇帝陛下兼賁勇智實用儉
慈澤及函主披輿圖而生復替闕上帝致狂虜以自焚方
疑晏繁之期遽起希夷之想乾剛立斷離照重明釋三紀
之憂動奇臧攸介形萬邦之揖遜道德猶尊臣昔奉清光

誤承睿獎輅車遠駕莫瞻汾水之遊騎履自憐徒發鈞天之夢

賀壽皇聖帝遜位表

史丞相

伏觀詔書今月二日 至尊壽皇聖帝御 重華宮者接千載之統親畀儲皇受五日之朝尊居太極規圖宏遠典禮光華中賀聞一日萬機之繁不持憂勤於當代四海九州之大蓋將付托於無窮雖猷為已示於躬行而傳授必嚴於面命保民道備焉國慮周恭惟 至尊壽皇聖帝陛下威德兼隆英明獨斷怡顏順色全主養於始終飭已厲精措中興於宵旰肝柅機密而品式具風雨節而寒暑特社聖宋名賢五百家播芳大全文粹

卷一上

十三

宋集珍本叢刊

授牧寧戎夷賓服安治於緒餘土宜非心於富貴崇高以仁得仁既廣堯帝如天之履以聖繼聖益昭夏玉與予之公超軼兩儀之先傲倪萬物之表成功不有妙用難窺臣屬屏鄉閭欽聞詔旨望鬱鬱葱葱之所莫遙庭班誦稼穡蘭之詩切祈睿弄日

賀壽皇聖帝遜位表

許仲存

紹克之治底於無為授禹之謀得於先定事光三聖慶溢八紘中負恭惟 至尊壽皇聖帝陛下道大難名心靜能應跡建元以下既騰茂實而蜚英聲稽受禪之初仍鋪洪業而申景鑠合殷別關於閭闔嗣皇親侍於是旒承所為

正所為得人付託尊之至養之至閱歲綿長且遜與庶邦再逢盛典萬彙魚躍尚思需東序之恩驚序駕行莫獲旅北宮之謁

上尊號

賀光堯壽聖太上皇帝冊尊號表

茂輯上儀仰崇光號昭哉嗣服之孝慈乎成功之榮福無疆歡騰有戴中賀臣聞道之大者雖遠而必著名之實者欲辭而目歸故乾坤之象或得以形容而勲華之傳終流於載藉恭惟 光堯壽聖太上皇帝陛下配天其德既聖而神輕萬乘以弗居夫何能報接千齡而善繼抑有所聖宋名賢五百家播芳大全文粹

卷一上

十四

宋集珍本叢刊

賀光堯壽聖太上皇帝冊尊號表

消選休辰肇稱顯冊輯摛文於創見章孝治於維新殊慶所覃群生胥忭恭惟 光堯壽聖太上皇帝陛下功伴開闢業茂盈成出應頌機雖海涵而地負內存至樂本神動以天隨當離日之正中體乾龍之無悔白茅是席黃屋非心念美報以何施宜鴻名而誕舉永攸康衛之誥誦申以舞

華封之祝辭聖不可知信大哉之難喻靜而無累驗仁者之長存冠冕百王燕貽萬世且夙叨睿愛履際盛儀比屋可封幸觀風而親見故惟不棄徒戀德以彌深

賀 上皇加紹業興統明謨盛烈 尊號表 沈清臣

載聞鴻名增高太極億千萬年之睿算竹逢再舉於緡儀二十四字之徽稱恭親疊加於顯號邦家之慶典藉未聞恭惟 尊號太上皇帝陛下光啓宏圖茂隆昌緒大統大業輝赤伏以紹興丕顯丕承繼蒼姬之明盛位行竟遜華啓舜重八袞延洪極常珍之尊養一人受敬鋪鏤王之彌文久照之君日滋升資始之父天益大臣屬叨留鑰祖造聖宋名賢五百家播芳大全文粹 卷一上 十五 宋集珍本叢刊
朝紳得壽得名二八喜聞於盛事善頌善禱三千今見於同心

太上皇加 尊號賀 皇帝表 前人

尊親之奉耆齡自古以未聞愛敬之心聖主有加而無已益尊崇顯號誕告多方恭惟 皇帝陛下躬致丕平時多嘉慶觀會通而行典禮莫如介壽之先致廣大以盡精微務極揚名之稱既用八以詔乎八極又主二以參乎二儀大哉至哉美矣茂矣臣忝觀味常之過敢伸歸美之辭語合宣尼唐虞之際於斯威頌同韓愈皇帝之壽與天齊

賀 太上皇帝冊 尊號表 邵公濟

明詔親頒識淵衷之素定大器有託知聖子之可傳奉太上之鴻名為域中之大慶中賀恭惟 太上皇帝陛下仁心愛物惠澤在民如文王之畏天類成湯之罪己雖神武之不測本清淨以無為儲闈委正於元良宸極遽辭於大寶功成知退道大難名臣世受國恩肅將王命欽聞盛典肇建明時體道為心四海共知於德意與天齊壽萬年永播於頌聲

賀 壽皇聖帝冊 尊號表 許仲啓

俯授玉璽蓋協勳華之盛載都顯號超超履壽之先典策用先華夷胥慶中賀恭惟 至尊壽皇聖帝陛下德充潛哲心照危微以免作土而治底無為為萬於天而謀皆先定重規疊輝守茲一道之傳茂實英聲介此萬年之永且屬拘乘障莫造班庭見而知聞而知奚分遠邇尊之至養之至第仰崇高

重華宮上 尊號賀 皇帝表 許仲啓

畫象繡裳承燕謀於正宇翠旗雕輦奉鴻號於慈闈孝本一人慶鈞八表十賀恭惟 皇帝陛下孜孜與夏業業繼虞念茲莫報之恩原此難名之德乾稱父坤稱母並擬形容河出圖洛出書載新篆刻欽五福惟皇之極幸百官若帝之初臣於竹南那傾葵北闕襲六而作一藝敢想特書

明向而照四方永觀盛際

賀 皇帝冊 尊號表

夏文莊

謁款神祇事成於大報祇嚴典冊誕受於鴻名凡在有主罔不載躍中賀恭以 尊號皇帝陛下九乾備體五緯垂英天縱之能兼該於典籍生知之聖洞判於忠邪責賢辟司紹隆景命承太宮之榮九極於齊明奉朝樂之朝日嚴於孝愛萬區累洽四路懷柔共傾伏閭之誠請建中天之號三儀協贊五遷方從爰協靈辰肇膺盛節大功不宰雖出於強名卑土交歡永昭於至治臣親逢聖旦邀聽鴻猷踴躍之誠倍萬常品臣伏限守職在遠不獲奔詣闕庭臣聖宋名賢五百家播芳大全文粹 卷一上 十七 宋集珍本叢刊

無任瞻天樂聖歡呼忭蹈激切屏營之至

慈福宮上 尊號賀 至尊壽皇帝表 許仲裕

華胥燕處繼承與子之謀長樂鴻名推廣事親之孝中賀恭惟 至尊壽皇帝陛下體舜業紹堯巍巍出綸既建於東朝朕履自輕於北極母以子貴式乎天下之心名者實賓收致聖人之壽臣邀茲分竹祇若傾葵宮殿綿聯想御綵衣而養志典謨焜耀宜刻玉版以螢英

慈福宮上 尊號賀 今皇上帝表 前人

正統承休仰答至尊之瞻徽稱襲舊歡怡重慶之頌事曆三宮躋鈞萬寓中賀恭惟 皇帝陛下九茲傳道翼是詒

謀宜民自此於文孫介福必歸於王母太極之本無極爰著其慈可名之非常名仍稽其聖無盡形容之義實惟愛敬之誠日屬奉教條莫超班緼薰風即應知典考之有傳奇域旁聞見萬功之周聞

慶壽

慶 上皇壽七十賀 皇帝表 朱安國

臣言膺赤伏之符風曆方開於閏受泰元之笑龜圖將永於萬年矧麗正以重離宜用舉以幹蓋合兩朝之盛美實千載之殊休積德而王帑尊於父臣誠惶誠恐稽顙頓首百恭以 光堯壽聖憲天體道性仁誠德經武緯文太上

聖宋名賢五百家播芳大全文粹

卷一上

十八

宋集珍本叢刊

皇帝聰明稽古剛健對時丕承無疆之休中興有為之祚英國赫赫商之高宗周之宣王鴻業純繩唐之神堯漢之世祖粵自建炎之即政致于紹興之寢兵守之艱難持之益成始於憂勤終於逸樂謹南郊所以奉祖宗之報建太學所以隆教化之原睦親政後于尊崇兼愛備加于聘問振百度紀綱之舊移四方風俗之新生還三代之真淳立正一王之表式可謂舉而措諸事業莫不煥手其有文章方且肆筆成書制禮作樂性而濟衆好仁無以尚之誠以存心至德有如此者無一詔不軫庶民之休戚無一念有傷萬物之發生龜龜三十六載之成功并并九百五條之

聖政承意從事足以有臨足以有執足以有容申命用休
必得其名必得其祿必得其壽謙已頓興於揖遜間神退
處於希夷晚侯萬乘之榮存心太古之粹為天子父先華
克齊之重據域中專受敬義黃之上錫福果膺於晉羊豎
心式屈於遜爵是由德劬以羊高是以民從而天與質之
典藉光于古今恭惟 皇帝陛下以仁孝之資傳精一之
旨能盡事親之道克彰雄志之動謹王季之朝愈形音色
上太公之號敬祝耆羊揚莫大之鴻名講無前之鉅典曠
澤迨加於幽隱與情預慶於歡呼知盛事之難逢幸吾身
之親見臣愚沾寸祿敢在皇都願揚召虎之休敢效封人

聖宋名賢五百家播芳大全文粹

卷一上

十九

宋集珍
本叢刊

之請匪報也永為好也少據北闕之誠惟有之是以似之
同享南山之壽臣謹捧表躬詣闕庭起居

賀 光堯聖壽太上皇帝慶壽八十表 沈清臣

冀開歲旦一人躬黃屋之朝秉數帝齡八袞開大椿之首
教永載藉迥莫前聞恭惟 尊號太上皇帝陛下本以慈
仁獲茲純佑惟涵養之恩極地所載故綿遠之貺與天為
齊授大寶於虞傳享常珍之堯養延洪所自錫美無窮既
超盤古之期何數蟬周之曆受命既固有開必先爰因數
以推來卜垂休而惟永旬周方位界將滿於大千十演卦
名數遂主於萬億臣恭登華封之善祝輒同擊壤之老人

功德咸五以登三增崇顯號天子用八而將萬茂介長年
慶 上皇壽賀 皇帝表 沈清臣
詔舉朝儀帝上親壽先庚三日後庚三日講求何止於三
申春歲八千秋歲八千算數始開於八蒙普天同慶載藉
未聞恭惟 皇帝陛下有道之長本由於至德無疆之貺
上及於慈闈龜臺朝下老之尊南極奉長主之帝運達丙
歲壽星重見於丙方特屆春朝眉算共析於春酒臣恭聞
盛事忭極儒表天子萬年永致兩宮之奉那幾千里阻陪
百辟之趨

聖節

聖宋名賢五百家播芳大全文粹

卷一上

二十

宋集珍
本叢刊

請 重明節表 周丞相

文武百僚特進左丞相許國公臣周某等上表臣等言伏
以飛龍在天方仰君臨之德流虹繞渚寶開聖作之祥宜
紀昌辰用昌厥際臣等中謝恭惟 皇帝陛下承謨丕顯
受命薄將致養三官備本朝之家法來決萬務得率土之
民心正守俯臨積陰頓解於赫明離之象並輝出震之符
臣等不勝大願請以九月四日為 重明節伏望 皇帝
陛下俯察群情並頒俞旨施高名定顯號修寧吳發祥之
期披皇圖稽帝文俾臣民歸美之報著之令甲付在有司
那家增光天下幸甚臣等無任

請 重明節第二表

臣等言近上表乞以九月四日爲重明節伏奉批荅不允者受命若帝之初宜邦彝之具舉威德如天之覆豈人欲之或違比登忱辭願標今節未回聰聰易副群情臣等中雖伏以紀千秋之名雖由唐舊允長春之請則在宋興况今非止循累代之成規蓋以侈重華之大慶顯號缺而未講或旦鬱而弗彰雖雖益光理或本稱伏望

皇帝陛下茂昭鉅典亟發德音漢殿尊榮親奉玉卮之壽周行忤蹈各陳金鑑之書豈惟光簡冊之傳實以副天人之望臣等無任

聖宋名賢五百家播芳大全文粹

卷一上

二十一

宋集珍本叢刊

請 重明節第三表

臣等言近再上表乞以九月四日爲 重明節伏奉批荅不允者淵聽未回確爾執謙之意忱辭浴協黜熙歸美之誠鼻與不可以久稽衆心不可以屢涕敢控喝喝之請再干撈撈之光臣等中雖竊以民之戴君自古有訓禮之飾治後世尤詳惟大德得其名故因誕彌而紀節雖先王未之有亦容增益之隨時當渚虹樞電之辰受岳貢川珎之集乃同常日夫豈人情今者博士議郎固執於廷杖宗奉常各揚其職必期得請時敢自安伏望 皇帝陛下聖慶兼容大明委照帝辭三祝足昭挹損之懷臣同一心終冀

允會之命臣等無任

賀 會慶節表

朱晦翁

盛德當陽光啓重熙之運群心就日樂推歸美之誠有開統殿之祥敢登祈天之禱中賀恭惟 陛下慶流有衍德令無疆膺曆數以在躬垂衣裳而致治接皇帝推美迎日之統以莫不增過周家定鼎卜年之期目今其始恭承流天耶幸際昌辰驚忤千官班阻趨於文石嵩呼萬歲祝敢後於華封

賀 天申節表

朱晦翁

黃屋非心茂對重明之運玉卮壽壽臨載育之辰慶治聖宋名賢五百家播芳大全文粹

卷一上

二十二

宋集珍本叢刊

中天驕騰廣域中賀恭惟 尊號至仁被世威德在躬立聖政九百五條行堯之道履帝位三十六載薦舜于天得聖人時心至愉而形至佚爲天子父貴無敵而富無倫既申命之用休宜降年之有永且欽逢盛旦假守偏城即雲氣而望蓬萊阻陪拜手觀泰元之授神泉徒切傾心

賀 天申節表

張全真

伏以大火中天協運明昌之運祥虹流渚開載慶載夙之期慶駕宗祀福均夷夏中賀恭惟 皇帝陛下稟湯勇智躬禹勤儉念久優於屯蒙期力圖於豐泰省觀風俗燭出遠於耳目之前總攬權綱運策區於指掌之上茲天休

之申命見王化之復行將岳拱於巖廊永照臨於華夏臣
猥分紳閭遊在海隅拱北所以馳神莫遠竊鴻之列指南
山而獻壽敢彈犬馬之忠

賀 興龍節表

李成李

四序周而在朔方成一歲之功二陽進以爲臨允協大君
之吉焉主真主奄有庶邦紹六帝之休光惟兩宮之孝養
車書所暨舞蹈攸均中賀恭惟 皇帝陛下聰明日躋智
勇天錫應千齡而出震操大器以乘乾虎嘯龍翔共觀聖
人之作風行雷動坐躋萬國之寧宸賢濟濟以在朝至化
新新而美俗三靈助順六氣爲和人情胥悅於謳歌天祐
聖宋名賢五百家播芳大全文粹

卷一上

二十三

宋集珍
本叢刊

賀 乾元節表

宋子京

鴻明代照景洽於昌辰景脫屬彩親逢於誕節書文所混
歡蹈彼同恭唯 皇帝陛下淵德日躋聖猷天縱靈承道
隆祇率詒謀啓箴誦之廣途游文事之奧府總周文之九
德兼虞舜之大功絕俗來同綿區作 後天獻祝咸登於
茲辰拂石延祥永隆於大業臣傾持荷蒙奉事龍潛貧賤
難工孤寒寡援百城郡竹敢傾就日之心萬壽稱觴莫豫

在庭之列精虔禱願倍百常鈞伏限郡職所拘不獲奔詣
闕庭

賀乾元節表

宋子京

夏曆啓和辰運敷望本聖生之初旦著天會之昌期名節
垂鴻綿區交慶中賀恭惟 尊號皇帝陛下丕承寶序駿
惠先猷萬靈接乎馨香群元舍於仁壽撫不窮之服未始
加兵憲又新之銘居常待旦化舍無外恩激有知每屬電
振之辰胥忭露囊之悃大披路寢普見羣臣執玉奉觴聲
歡心而如一後天緼月續景昇以無垠震動休符昭明鉅
禮臣向陪禁闥今殿後藩僚昕景之鴻階隔玉官之鳬藻
聖宋名賢五百家播芳大全文粹

卷一上

二十四

宋集珍
本叢刊

賀 天寧節表

張全具

下武繼文適逢昌運上帝立子甫屬誕辰儼圭璧以相超
舉臣鄰而交慶中賀恭惟 皇帝陛下功昭祖武孝格上
靈三典用中普洽好生之德五兵戢戢生收不殺之威允
當華夏之心日欽天人之助且叨紆郡綏介處江關神已
雅馳額上萬年之壽情深鼓舞實居百獸之光

賀 興龍節表

蘇子瞻

天祐我邦祥開是日山川貢瑞日月增華中賀伏以上聖
所儲有慈儉不爭之寶與情共獻蓋憂勤無逸之龜不待

禱祠而求自然天人之應恭惟 皇帝陛下克仁壽李禹
餘鴻寬德莫大於好生故以不殺為神武道莫專於問學
故以所聞為高明錫厥庶民需用五福且備員內閣出守
郡縣雖遠咫尺天威乃身在外而工千萬歲壽比意則同

賀 興龍節表

秦少游

大呂飛灰爰屬星冠之序靈樞統電實當聖誕之期凡屬
生成所同作珎中負恭惟 皇帝陛下裁成天地參並神
明以言乎道則持盈而守成以言乎時則重熙而累洽昭
哉嗣服續六聖之洪休大矣孝熙備三官之至養清風發
而群陰伏元首明而庶事康今節載逢鴻儀斯舉加蓬折
聖宋名賢五百家播芳大全文粹 卷一上 二十五 宋集珍
本叢刊
姐初嘗露肘之醇擊石彈絲始奏鈞天之妙可謂一時之
嘉會故得四海之歡心臣猥以葭莩廁於藩翰十章獻登
空懷唐相之誠萬壽稱觴莫預漢庭之列

賀 天申節表

汪彥章

星拱北辰誕應樞精之瑞陽居大夏時昭火德之亨致景
貺於層霄溢歡心於率土恭惟 皇帝陛下英謀天縱威
德日躋生貽申命之休宜享降年之永臣藉通禁索職守
藩符祝萬壽以稱觴雖莫陪於近例揖九州之共貫猶及
見於丕平

賀 天申節表

邵公濟

華渚流虹契千齡之休運露臺獻壽頌四海之歡聲共逢
生商之辰少盡祝堯之意中負恭惟 皇帝陛下睿智天
錫聖德日躋道接周文膺三十世之大統功高光武當二
百年而中興同日月之照臨與天地而長久臣出將使指
阻奉燕朝空馳北闕之心共禱南山之壽

賀 天申節表

毛伯穎

系隆我漢再造丕圖濟哲維商為生睿主當此離明之候
是為震風之期膺景福於萬年願歡聲於四表中負恭惟
皇帝陛下紹開基緒有定宸區如日之升既闡照臨之德
惟天為大克昭顧諟之祥順履休辰茂增神笑臣遐居遠
服阻親清光金鑑仰賜顧獻南山之壽那堪結佩但存北
闕之心

賀 天學節表

晁之道

生而神靈固有流虹之瑞申以福祿遂膺受命之符運協
熙辰慶符良月天休畢至海宇均歡中負恭惟 皇帝陛下
下事帝皇恭保邦勳儉憂民甚備世爭誦於堯言求德又
新治益隆於舜孝精此協氣形為頌聲感日月之光周八
紘而並照如松柏之茂育萬寶以偕昌臣外忝節推密司
宣鑰上萬歲壽載馳認闕之心成一家言不愧華封之祝
臣無任

賀興龍節表

蘇子瞻

天祐民而作君惟德是輔帝生商而立子有開必先納富壽於方來實兆基於茲日中負恭惟 皇帝陛下文思天縱聖敬日濟以若稽古之心上遵玉路行不忍人之政下酌民言神聰靖共天壽平格臣久塵法從出領郡符奉萬年之賜雖阻越於下列接千歲之統猶及見於昇平草木之情日月所照

賀天申節表

張全真

伏以瑞表榮河協千載一時之嘉會聲呼喬嶽登九州四表之歡心凡託蓋容舉深忭踊臣某中負恭惟 皇帝陛下

聖宋名賢五百家播芳大全文粹

卷一上

二十七

宋集珍本叢刊

下禹初時悲湯聖日濟軫國步之多虞念時巡之淹久蓄威而侍成道德之安強復順而行獲天人之祐助發銷外侮生致中興迎二聖以回鑒置四方於奠枕必得其壽有驗於今臣叨領价藩欣逢聖旦葵藿雖晚不移傾日之心蒲柳固衰但祝後天之莠

賀天申節表

趙德莊

受命于天誕啓真人之運威德在大於胎炎正之時凡屬照臨咸知忭蹈恭惟 皇帝陛下仁孝化育孝格神明養福祿於無疆動惟克已永威懷於匪茹本不言兵治雖始於憂勤早日延於安樂臣遠銜明命阻遣周行考三輔之

黃圖初入中興之貢祝泰元之神英益輝上報之忠

賀乾龍節表

邵公濟

節紀千秋山呼萬歲願茲盛禮宜屬昌辰中負恭惟 皇帝陛下道極高明性惟恭儉不作無益目求多聞御極之初獨念祖宗之故事待盡之久將聞克弊之盛時如日月之照臨與天地而長久臣屬將遠使阻綴近在方共仰於龍飛竊有同於蒼竹

賀天申節表

毛伯穎

明明赫赫天垂復命之祥鬱鬱葱葱人望中興之氣是生哲后再纂鴻圖中負恭惟 皇帝陛下睿智足以有臨神

聖宋名賢五百家播芳大全文粹

卷一上

二十八

宋集珍本叢刊

武本於不殺謹微接下周宣究無以加修已得賢商武丁所不逮制度稽於四岳壽考宜于禹邦慶浹誕彌歡均率得臣頃從金馬再領銅魚就日望雲阻聰珮環之響戴天履地同傾葵藿之心

賀天申節表

毛伯穎

日永星大當萬物之長贏電繞斗樞肇一人之濟哲惟聖時憲有開必先中負恭惟 皇帝陛下纂嗣恭圖輯寧區宇處幾衡而觀大運所存者神和戎狄以正諸華無思不眠天休滋至王國克土榮光塞河屬千秋之今日旦順氣成象同四海之歡聲忠我無疆綏受有衆臣久陶化育職在